



Inatsisartunut ilaasortaq Jens-Frederik Nielsen
E-mailikkut uunga nassiunneqartoq inatsisartut@ina.alla.gl

§ 37 naapertorlugu apeqqut normu 2024-248-mut akissut

06-01-2025

Asasara Jens-Frederik Nielsen

Sags nr. 2024 – 15600/AN 2024-
24494

Inatsisartut suleriaasianni § 37, imm. 1 naapertorlugu, suliffeqarfimmik piginnittuugaanni inummut ilanngaas pillugu malittarisassat pillugit Naalakkersuisunut apeqquteqarputit. Apeqqut uannut akisussanngortinneqarpoq.

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqqut 1: Naalakkersuisunut nassuiaqquneqarput malittarisassat inummut ilanngaammut, ernianik ilanngaammut ilanngaatinullu allanut malittarisassat qanoq ittuunersut, suliffeqarfiuteqaraanni tassani inummit ataatsimit pigineqartumit CVR-normulinnit.

Akissut:

Inuup sumilluunniit namminersorluni inuussutissarsiuteqartup inummut ilanngaateqarsinnaatitaanera imaluunniit ernianik ilanngaateqarsinnaatitaanera assigiinngissuteqanngillat, tassunga ilanngullugit inuup ataatsip suliffeqarfiutaanik, peqatigilluni ingerlatseqatigiiffimmik, taamaattoqanngippalluunniit.

Inummut ilanngaas ilanngaatillu allat tamarmiusut, soorlu inernianut aningaasartuutit, ingerlatsineritut aningaasartuutit il.il. innuttaasup skattekortiani qulaani allaqqapput. Skattekortimi paasissutissat taakku ataanni innuttaasoq akileraaruteqanngitsumik ullormut, sapaatip akunneranut, qaammammut. Isertitaqarsinnaanera.

Skattekortu sulisitsisumit atorneqartussanngorlugu suliaavoq, taamaalilluni sulisitsisup akileraarutit naatsorsunnginneranni ilanngaatiginnginneranilu sulisut ilanngaasiinani akissarsiaani qanoq annertutigisut ilanngunneqassannginnerisut ilisimassallugit.

Innuttaasoq suliffeqarfiuteqarpat, innuttaasup inuussutissarsiornermi ukiumit aggersumi iserititassaminik (akissarsiat B-t) ilimagisaqarluni siumut nalunaarsuiffimmi allassavaa. Akileraartarnermut Aqutsisoqarfiup tamanna tunngavigalugu innuttaasumut Akileraarutit B-t procentissaannik naatsorsuissaaq. Taakku qaammatit tamaasa ullut 20-anni akilerneqartassapput. Akileraarutit B-t procentianni tassani inummut ilanngaasip akileraarusiinermilu ilanngaasip nalingi ilanngunneqassapput.

Apeqqut 2:

Suut peqqutaappat, innuttaasut arlallit inummut ilanngaas, ernianit ilanngaas ilanngaatillu allat annaasarpasimmatigit, inummit ataatsimik pigineqartumik suliffeqarfimmik CVR-normoqartumillu aallartitsinerminni ingerlatsilernerminnilu?

Akissut:

Innuttaasup inummut ilanngaas aamma ernianut ilanngaas inuup ataatsip suliffeqarfiutaanik aallarnisaanerup ingerlatsinerullu kingunerannik annaassanngilai. Ilanngaasit pisut ilaanni innuttaasup skattekortiani allaqqajunnaarnerat pissutigalugu taamatut isumaqartoqarsinnaavoq. Tamannali isumaqanngilaq innuttaasup ilanngaateqarsinnaatitaanini annaagaa.

Soorlu qulaani allaaserineqartoq ilanngaait suliffeqarfiuteqartup akileraarutaasa B-t procentiata aalajangernerani ilanngunneqartarput. Innuttaasoq aningaasat ilanngaatigineqartut qaangerlugit isertitanik B-nik siumut nalunaarsuippat, ilanngaait tamarmik akileraarutit B-t procentianut ilanngunneqassapput. Taamatut pisoqartillugu inummut ilanngaait ilanngaatilluunniit allat innuttaasup skattekortiani allassimassanngillat.

Tamassumunnga pissutaavoq ilanngaait tamarmik isertitani B-ni atornerarnerat. Skattekortu sulisitsisumut suliap akissarsiaanik (isertitanik A-nik) akiliisumut nalinginnaasumik suliarineqartarpoq. Innuttaasup assersuummi qulaaniittumi skattekortimini akileraarutit B-t procentiat *ilanngaatillu* ilannguppagit innuttaasoq tunngaviummik pisinnaatitaaffimminit marloriaammik ilanngaateqarsinnaavoq.

Taamatut pisoqarnerani innuttaasup akileraarutissat inaarutaasumik naatsorsorneranni akileraarutissai annikippallaassapput. Innuttaasoq taamaalilluni tapit ilanngullugit akileraarutissat sinnerannik akileeqquneqassaaq. Taamatut pisoqarnissaa periutsimi qulaaniittummi pinngitsoorneqassaaq.

Innuttaasoq inuup ataatsip suliffeqarfiani assersuutigalugu 50.000 kr.-nik B-nik isertitaqarnissani siumut nalunaarsuiffimmi ilimagippagu, innuttaasoq 2025-mit siumullu minnerpaamik 60.000 kr.-nik inummut ilanngaateqarmat aningaasanit taakkuninnga akileraarutit akiliissanngilaq, Taamatut pisoqarnerani innuttaasup skattekortiani inummut ilanngaait sinneri 10.000 kr.-t allaqqassapput, taakkulu sulisitsisup akileraarutit A-t ilanngaatigineranni ilanngutissanngilai.

Naalakkersuisut taamaalillutik isumaqarput, innuttaasut inuup ataatsip suliffeqarfiuteqartut taamaalillutik pineqartup skattekortiani allaqqannginnera pissutigiinnarlugu ilanngaateqarsinnaamik annaasaqassanngitsut. Ilanngaait akileraarutit B-t ilagiinnarpaat.

Apeqqu 3:

Naalakkersuisut paasisitsiniutissanik sanassallutik pilersaruteqarnerpat, pisariitsumik paasiuminartumillu akileraartarnermut tamarmut malittarisassat nassuiaatigisinnaasaanik, suliffeqarfimmik aallartitsiniarluni kissaateqartunut tassaniiluaamma suut kingunerissanerai inummut ilanngaammut, ernianut ilanngaammut ilanngaatinullu allanut?


Akissut:

Innuttaasut suliffeqarfimmik aallartitserusuttut ilisimasaqarneri tunngavigalugit taamatut iliorsinnaajumallutik pisariaqartumik paasisutissinneqarnissaat, Naalakkersuisut eqqumaffigaat. Pisumi aalajangersimasumi innuttaasoq akissarsiaqartuunersoq, namminersorluni inuussutissarsiortuunersoq marlunnilluunniit taakkuninnga atuinersoq apeqquataatillugu taakku innuttaasup skattekortiani, imaluunniit akileraarutit B-t procentiat qanoq ilanngunneqarnerisut naatsumik nassuiaasoqarsinnaassaaq. Akileraartarnermut Aqutsisoqarfiup ilisimatitsissutigaa, taamatut naatsumik nassuiaatip suliarinera aallartinniarlugu, ilimagineqarporlu tamanna Akileraartarnermut Aqutsisoqarfiup nittartagaani – aka.gl-imi ukiup matuma aallartinnerani tamanut saqqummiunneqassasoq.

4. Naalakkersuisut oqaluuserisamut soqutiginaatilinnik allanik paasisutissiisinnaanerlutik?

Akissut: Naalakkersuisut suliamut allanik ilassutissaqanngillat.

Inussiarnersumik inuulluaqqusillunga



Erik Jensen